

1589

Henrici
Regis ad
bellum ap-
paratus.

Aurelian-
enses con-
tra Regem
arma ca-
piunt.

Maynium
Dux a Pa-
risiensibus
Prorex pro-
nuntiatur.

adhæferant, læsæ majestatis reas decernit: ni Principes men-
sis spatio ejus mandatis obtemperent, cunctis honoribus di-
gnitatibusque una cum posteris spoliaturum edicit. At ea re
foederati nequaquam inflexi, majori nixu in Regem incum-
bunt; undique arma ac milites cogere, externa auxilia soli-
citare, regni ordinum, vicesgerentis nomine, pecunias colli-
gere; mandata literasque novo sigillo subsignare; omnia Re-
gis munera, nomine excepto, usurpare. His Henricus per-
motus, quantas maxime possit copias cogere statuit; missis per
provincias literis, nobiles equitesque ad se vocat; a Lutetia
in Turonensem civitatem juris dicundi facultatem transfert;
cunctis dignitatibus, privilegiis, magistratibus Lutetiam rebel-
lesque urbes excidisse pronuntiat: hæc eo consilio agit, si
forte, priusquam ad arma descenderet, facti veniam expo-
scent, atque in fidem regiam se tradant. Nobilitate coacta,
de bello administrando pertractat; novos delectus haberi,
tormenta expediri, pecunias undique conquiri jubet. Aure-
lianenses in Henricum primi arma capiunt. Nam cum civi-
tas jam descivisset, paucisque militibus regio nomine arx de-
fenderetur, oppidani eam demolituri, tormentis verberare in-
cipiunt. Propugnatores per aliquot dies ruinas tutati, nume-
ro impares, loco diffusi deseruere. Aureliani exemplo, aliæ
civitates foederi se adjungunt.

Parisienses, Henrici imperio excusso, re variis sententiis
agitata, tandem communi consensu Galliæ Proregem ac pa-
tronum Maynium pronuntiant, donec, comitiis quamprimum
vocatis, ea in re decernatur. Interea, ut cuncta ex ordine
atque auctoritate administrentur, singulis edictis sanctionibus-
que Ducis nomen præfigi jubent. Bina sigilla conficiunt,
quorum uno in generalibus comitiis, altero in Parisiensi con-
silio utantur; verba utrique inscripta: *Regni Galliæ sigillum*.
Maynius interim Lutetiam accedit; summis honoribus excipi-
tur; ad priscam religionem, regiam dignitatem atque aucto-
ritatem fartam tectamque tuendam, jus ex æquo reddendum,
ecclesiasticorum ac nobilium privilegia immunitatesque ser-
vandas, leges regnique constitutiones retinendas, injurias a
subjectis repellendas, jurejurando sese adstringit.

Henricus, præcisa prorsus pacis & concordiae spe, cum armis
decer-